



Broj:
Maglaj,

Na osnovu člana 18. i člana 30. Statuta Općine Maglaj-prečišćen tekst („Službene novine Općine Maglaj“, br. 8/07, 3/08 i 6/08) i člana 36. Poslovnika o radu Općinskog vijeća Maglaj – prečišćen tekst („Službene novine Općine Maglaj“, br. 2/09, 1/13 i 2/13), Općinsko vijeće Maglaj na redovnoj sjednici, održanoj _____ godine, donosi

RJEŠENJE

o imenovanju predsjednika Komisije za obrazovanje, nauku, kulturu i sport

Član 1.

Lejla Agić se imenuje na dužnost predsjednika Komisije za obrazovanje, nauku, kulturu i sport.

Član 2.

Imenovanje iz člana 1. ovog Rješenja traje do isteka mandata ostalim članovima Komisije za obrazovanje, nauku, kulturu i sport, imenovanih Rješenjem Općinskog vijeća Maglaj, broj: 02-45-1-292/21 od 03.02.2021. godine.

Član 3.

Ovo Rješenje stupa na snagu danom donošenja i ima se objaviti u „Službenim novinama Općine Maglaj“.

DOSTAVLJENO:

1. Imenovanoj
2. Služba Općinskog načelnika i Općinskog vijeća
3. Služba za privredu, finansije i razvoj poduzetništva
4. Arhiva

PREDSJEDAVAJUĆA

Svjetlana Zamboni

O b r a z l o ž e n j e

PRAVNI OSNOV

Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte, kao i da bira, smjenjuje i razrješava članove radnih tijela Općinskog vijeća.

Takođe, članom 30. Statuta Općine Maglaj – prečišćen tekst, propisano je da mandat članova stalnih radnih tijela traje do isteka mandata Vijeća, a mandat članovima može prestati i ranije odlukom Vijeća u skladu sa Poslovníkom Vijeća.

Članom 36. Poslovníka o radu Općinskog vijeća Maglaj-prečišćen tekst, propisano je da prijedlog za članove radnih tijela podnose političke stranke koje participiraju u Općinskom vijeću. Imenovanje stalnih radnih tijela i broj članova predlaže Komisija za izbor i imenovanje nakon prethodno obavljenih konsultacija sa političkim strankama i koalicijama zastupljenim u Vijeću, a odluku donosi Vijeće.

RAZLOZI ZA DONOŠENJE

U skladu sa zaključkom Kolegija Općinskog vijeća Maglaj, održanog 16.11.2022. godine, političkim partijama koje učestvuju u radu Općinskog vijeća Maglaj je dostavljen Pregled rada radnih tijela Općinskog vijeća Maglaj za period 01.01.2022 do 05.12.2022. godine, čija je nadležnost utvrđena od člana 42. do člana 52. Poslovníka o radu Općinskog vijeća Maglaj – prečišćen tekst („Službene novine Općine Maglaj“, br. 2/19, 1/13 i 2/13), odnosno njihov sastav, datum održavanja sjednica radnog tijela, te prisutnih i odsutnih članova radnih tijela po svakoj sjednici.

U cilju kontinuiranog i efikasnog izvršavanja propisanih obaveza radnog tijela, bilo je potrebno da ukoliko neko od predsjednika ili članova radnog tijela ne može više obavljati svoju dužnost, političke partije najkasnije do 12.12.2022. godine, Općinskom vijeću Maglaj dostave prijedloge novog člana/članova, kako bi Komisija za izbor i imenovanje postupila u skladu sa članom 36. Poslovníka o radu Općinskog vijeća Maglaj i Općinsko vijeće Maglaj donijelo Odluku o razrješenju/imenovanju članova u radnom tijelu za koje je utvrđena potreba za razrješenjem/imenovanjem predsjednika ili člana.

Politička partija NES Bosne i Hercegovine je 09.12.2022. godine Općinskom vijeću Maglaj dostavila svoje prijedloge za imenovanje komisija kao stalnih radnih tijela Općinskog vijeća Maglaj, u kojima između ostalog predlažu da umjesto Amela Bradarića, člana Komisije za obrazovanje, nauku, kulturu i sport novi član bude Lejla Agić.

S tim u vezi, potrebno je da Općinsko vijeće Maglaj imenuje Lejlu Agić na dužnost člana Komisije za obrazovanje, nauku, kulturu i sport, a u skladu sa članom 30. stav (5) Statuta Općine Maglaj.

FINANSIJSKA SREDSTVA

Za realizaciju ovog Rješenja osigurana su finansijska sredstva u Budžetu Općine Maglaj za 2023. godinu.

Obradivač: Emina Hasanić



PREDLAGAČ
Komisija za izbor i imenovanja